

全上古三代秦漢三國六朝文

全隋文卷七

烏程嚴可均校輯

煬帝四

荅釋智顥遺旨文

菩薩戒弟子總持稽首和南先師天台智者內弟子灌頂普明至奉去十七年十一月二十一日遺書七紙手迹四十六字并淨名義疏三十一卷犀角如意蓮華香爐等跪對脩讀摧振于心舍利儼然德音真在迦葉狼迹身證遙追晏光天台安禪近蹤誠復如來雙林四部號慟而涅槃遺教法更殷重況乎五百歲後四依拯濟深順佛旨居世同凡將欲泥洹現希有真五品十信已自皎然彌陀觀音親來接引去德茲永乃增悲戀追悟今生還慶夙稟所恨淨名經疏不重親承猶冀尋研用補咎惟追惟隙惄愧機未發迷聽前聞亦有成就非徒悟有淺深抑又時或早晚佛滅度後得

聖巨多道耀他方、冥來曉示在思卽世。忽奉大師良由宿緣積曾  
親近、愛覃來命必垂影響不捨本誓筆迹具存是用歸誠憑靈戒  
懇跪受經疏如意香爐虔禮西方心口相誓手探卷軸最後殷勤  
卽于今月十八日仍感瑞夢是知濟度已降舟航唯願卽日在寶  
池遙聞蓮華令居淨域近溉濁心世世生生師資不闕革凡登聖  
給侍無疑但義府鉤深遺文淵博雖加策駿終要面覩特希慨呂  
醍醐如出香乳照呂暗井卽顯真金然後仰藉神通俯厲精力別  
訶名僧奉揚法味普共含生作大利益斯則弗違提獎同登彼岸  
最勝最上就此爲尊灌頂所送最後淨名義疏三十一卷至佛道  
品謹卽裝治善書習讀逮旨爾前玄義及入文解釋付弟子焚之  
卽付還使造對燒蕩犀角如意蓮華香爐遠呂垂別輒當服之無  
數永充法事今奉施盞瓦香爐供養龕室遺旨呂天台山下遇得  
一處非常之好垂爲造寺始得開翦林木位置基階今遣司馬王

弘創建伽藍一遵指畫寺須公額并立嘉名亦不違旨佛隴頭陀  
並各仍舊使移荊州玉泉十僧守天台者今山內現前之眾多是  
諸宮之人已皆約勒不使張散豈直十僧而已所求廢寺水田召  
充基業亦勅王弘施肥田良地深蒙擁護當年別資給行送經一  
藏依法爲先師別供養具鐘幡香等又施錢直且充日費鄖縣靈  
塔吳內石像剡縣彌勒尊儀臥疾之處故使裝飾亦不仰異荊州  
玉泉寺旣是爲造逕當異餘道場共潭州大明寺荊州十住上明  
寺等先已敬許爲檀越無容復乖今諒使製南嶽師碑卽命開府  
學士柳顧言爲序自撰銘頌所喚僧有罪治無罪平等竊呂涅槃  
羯磨經有成文正論治國金光明品住持三寶弗敢墮失又令加  
脩慈心撫育民庶大馬識養人豈忘恩蓋聞外書爲敎仁尚恕物  
內典居宗大慈爲首在文雖異詣理實同不有君子其能爲國不  
有菩薩豈濟含生又曰僧未貫籍許其出首適奉詔書冥符來及

見幾而作所謂後天而奉天時糧運轉輸深關軍國前已表聞所司未報終當方便必期諧果及承寄囑斯復能照他心前來仰答無違意旨庶藉熏脩福祐國家灌頂普照面引訓訪具述遺形宴坐宛若平生轉恨失時不重餐義味仰揆定力如須彌時法艦云竟切願與迎一到江陽還入福界道俗接足人神頂禮卽當奉送復彼山龕庶藉瞻仰能開心且深願道力不孤所讀雖厚恩申報具在願文而實宜加趺實須酬仰二僧今反輕奉報書遠拜靈儀心鳴載咽謹和南開皇十八年正月二十日

釋藏起三國  
清百錄三

受菩薩戒疏

使持節上柱國太尉公揚州總管諸軍事揚州刺史晉王弟子楊廣稽首奉請十方三世諸佛本師釋迦如來當降此土補處彌勒一切尊經無量法寶初心已上金剛已降諸尊大權摩訶薩埵辟支歟覺獨脫明悟二十七賢聖他心道眼乃至三有最頂十八梵

王六欲天子帝釋天王四天大玉天仙龍神飛騰隱顯任持世界  
作大利益守塔衛法防身護命護淨戒無量善神成願一念之頃  
承佛神力俱會道場證明弟子誓願攝受弟子功德稱已識暗萌  
興卽如來性無明俯墜本有未彰理數斯歸物極則反欲顯當果  
必積于因是調御世雄備歷生死草木爲籤不可勝計恆沙集起  
固難思議深染塵勞方能厭離法王啟運本化菩薩譬如日出先  
照高山隨逗根宜權爲方便如彼眾流咸宗大海弟子基承積善  
生在家庭訓早趨貽敷夙漸福理攸鍾妙機須悟恥崎嶇于小  
徑希優游于大乘笑止息于化城誓舟航于彼岸但開士萬行戒  
善爲先菩薩十受專持最上諭造宮室必因基趾徒架虛空終不  
成立弗揆庸慘抑又聞之孔老釋門咸資鎔鑄不有軌儀孰將安  
仰誠復釋迦能仁本爲和尙文殊師利冥作闇梨而必藉人師顯  
傳聖授自近之遠感而遂通薩陀波崙罄體于無竭善財童子忘

全隋文卷七

三

身于法界經有明文敢爲臆說深信佛語聿遵明導天台智顥禪師佛法龍象童真出家戒珠因渢一作圓淨年將耳順定水淵澄因靜

發慧安無礙辨先物後己謙挹盛風名稱普聞眾所知識弟子所

曰虔誠遙注命捐遠延每畏緣差值諸畱難亦既至止心路豁然

及披雲霧卽鎖煩惱謹已今開皇十一年十一月二十三日總管

金城設千僧蔬飯敬屈禪師授菩薩戒戒名爲孝亦名制止方便

智度歸親奉極㠯此勝福奉資至尊皇后作大莊嚴同如來慈普

諸佛愛等視四生猶如一子弟子卽日種羅睺業生生世世還生

佛家如日月燈明之人王子如大通智勝十六沙彌眷屬因緣法

成等侶俱出有流到無爲地平均六度恬和四等眾生無盡度脫

不窮結僧那于始心終大悲㠯赴難博遠如法界究竟若虛空具

足成就皆滿願海揚廣和南因清百錄二廣弘明集

寶臺經藏願文

二十七上緝門警訓九

菩薩戒弟子楊廣和南仰惟加來應世聲教破物懲懲微密結集  
法藏帝釋輪王既破付屬苦隸聲聞得揚大化度脫無量。召迄于  
今至尊拯溺百王混一四海平陳之日道俗無處而東南愚民餘  
燐相煽爰受廟畧奉清海濱役不勞師召時益復深慮靈像尊經  
多同煨燼結蔓繩罿溼滅溝渠是召遠命眾軍隨方收聚未及朞  
月輕舟總至乃命學司依名次錄并延道場義府覃思澄明所由  
用意推比多得本類莊嚴脩葺其舊惟新寶臺四藏將十萬軸因  
發弘誓永事流通仍書願文悉連卷後頤屬朝覲著功始畢今止  
寶臺正藏親躬受持其次藏已下則慧日法靈道場日嚴弘善靈  
刹此外京都寺塔諸方精舍而梵宮互有小大僧徒亦各眾寡竝  
隨經部多少斟酌分付授者既其懇至受者亦宜殷重長存法本  
遠布達摩必欲傳文來入寺寫勿使零落兩失無作前佛後佛諒  
同金口卽敎當教寧殊玉牒須彌山上置聖共持金剛海底天龍

盡護散在閭浮亦復如是追念繕寫之者厥誠至隆心手勤到何  
量功德捨微淨財豈可稱計所資甘雨用沃焦芽能生是佛本是  
般若人能弘法非道弘人恕已深恩卽是自爲今陳此意乃侶執  
著若不聞警則不深固自行化他備在經律頗循菲識誠愧通方  
因果相推何殊眼見豈不知獨善且最勝無爲第一樂內典法奧  
自關眾僧何事區區橫相負荷但慶憑宿植生長王宮謁陞趨庭  
勗存遠大出受藩寄每用祇兢非惟禮樂政刑一遵成旨而舟航  
運出彌泰弗墜無容棄稷虧而同園綺變菩薩而作聲聞越用乖  
方旣其不可篤信受付竊敢當仁然五種法師俱得六根清淨而  
如說脩行涅槃最近徒守經律不依佛戒口便說空心滯于有無  
上醫王隨病逗藥開乳含酥爲方旣異甜冷苦熱取療亦殊譬前  
後敷門別赴機性根莖枝葉受潤終齊總會津梁無不入道猶如  
問孝問仁孔酬難別治身治國老意無乖殊途同歸一致百慮內

外相融義同泥合何處有學毘曇而不成聖執黎邪卽能悟真師子嚴鎧反貼毀干羸日象足到底翻取謂干蜂房心同劙戟評踰水火經意論意都不如斯通經通論何因若此恐施甘露更成毒藥儻均味海則致醍醐聖御紺寶天飛金輪雲動納萬善于仁壽總一乘于普會開發含識濟度羣生今所傳經徧于宇內眾聖潛力必運他方共登菩提早證常樂則是弟子之伸順弘誓于無窮平等坦然通遣唱白達識體之念隨喜也

廣弘明集二十二

遣使入天台爲智顥建功德願文

菩薩戒弟子總持和南十方三世諸佛一切尊法三乘聖眾上界天仙龍神他心道眼護持應現彌塞虛空無量幽顯竊聞諸佛菩薩不捨本誓爲天人師拔濟含識亥令和尙闍梨代作宗範引接後來與佛無異資敬之重具在經律不有明導豈濟苦海匪報厚德豈收福田遺行可追謹依佛語菩薩戒先師天台智者來踰剡

嶺遷化石城初聞訊至哀情摧頰敬惟勝行逾滿熙連佛許臨終  
自說所得今聞侍者所書巨有異相稱我位居五品弟子事在法  
華十住信心誠文具瓔珞于是空聲異響徧滿山房索披大衣云  
觀音來至驗知入決定聚面覩彌陀靜攝遷神安坐身證久移晦  
明容相儼然斯蓋無量劫來檀慧具足深護佛法發起羣生非無  
顯晦出沒其孰能于此歟有始有終者其唯聖人乎設口辯才千  
萬億偶讚師福慧終不能盡夏初遣信到山期法歲竟迎接僧臘  
既滿尙疑谿谷毒厲意取氣交霜雪杯渡鏡水及屆刻下便承臘  
痾豈言信次騰神淨域遂不獲重接音容再諮法味維摩義疏蘊  
而莫宣良由宿障根深致違心契已悔于前須補于後近于此州  
禪叢舊居雖仰爲設會并就天台指畫之地則造寺塔而于彼山  
頭陀之處未獲薰脩今資覽別書屬付佛法不思議事感歎銘衿  
無已之誠今遣往于佛隴峯頂集眾結齋願承三寶之力速達西

方智者證知淨土記萌生生世世長爲大師弟子未得佛前早相度脫不棄緣感弘到菩提并乞眾力爲弟子懺悔自從無明住地已來至于今日恆沙惑障煩惱迷昏五蓋十總輪迴界內八萬四千塵勞增長願憑積慶及茲功德眾罪雷蹤慧日消除眾善普會法雨洋溢神通道力照滿皇家寶祚靈長覃被億兆開皇十八年正月二十九日釋藏起三國清百錄三

天台設齋願文

菩薩戒弟子皇太子總持稽首和南十方三世法佛報佛應佛法身應身化身諸佛所師所謂法也已法常故諸佛亦常佛常法常比丘僧常世間皆空而實不空諸佛妙有而實不有不有而有不空而空至寂恬然始名至樂凡情攀報皆生極苦迷之者則生盲皓首得之者則罔像玄珠弟子幸憑勝緣微因宿種方便暫度生在佛家至尊皇后慈仁胎教有八王子日月燈明之恩十六沙彌

大逝智勝之歟。加昌昔在淮海欽尚釋門先師天台智者顓禪師  
膺請江都授菩薩戒。由是間悟歸憑有在而夢極託諷梁木先讚  
合掌安禪端坐示滅于今數載儼然若思適現儀形續放光燄彈  
指之聲震于龕室僧使報述遐邇聳蹠皆由佛法僧力感應相關  
汲引含靈故現斯瑞肅奉明詔暫賴監國巡慰淮海銜願毗黎思  
報佛恩少酬師道。昌今大隋仁壽元年歲次辛酉十二月十七日  
謹遣員外散騎侍郎通事舍人張乾威到天台山寺敬設蔬飯雖  
調八水多懸百味庶同純陀之末供有如淨名之遙請色香細軟  
徧滿十方歡喜甘餐。盡唯百億天仙龍神竝希雲布任持世界盡  
望星羅已智者之分身納師資之攝受經稱信爲能入智爲能度  
願消甘露咸濟苦海應變穢土通同淨國天覆地載長轉金輪七  
廟六宗永安玉座本文百世紹隆萬紀男女繙素皆染大乘水陸  
空行咸知佛性須彌入于芥子未足成難食頃猶如巨劫曷昌爲

怪井蛙不識江海蚊睫安知鵬翼。吾我今懶竝乞冰消。吾我今誠  
皆入煩海發菩提心。徧在諸物菩提心者。即是佛心下度眾生。上  
求佛果不可㠭身得。不可㠭心得。㠭無所得。卽菩提心無所得。卽  
是得無所得。稽首歸命十方三寶。同上

祭告智顥文

維隋仁壽元年歲次辛酉十二月十七日景寅菩薩戒弟子皇太  
子總持和南敬告天台山寺先師智者全身舍利靈龕之座。粵窪  
聞民生在三事之如一。皆資聖範能遂賢功。顏回不值宣尼。豈鄰  
殆庶尹喜不逢老氏。安致長齡。況乎乘般若之舟。望菩提之岸。弗  
有明導。豈至寶所。復因信受。俱次法城。所謂自利利他人。我兼利  
師及弟子。智斷具足。抑又聞曰。疏傅告老太子贈吾黃金桓師退  
辭家庭陳于喪服。斯竝有爲方內少用報恩。豈臻無際空表盡酬  
師力。弟子宿植德本。早承道啟。身戒心慧。蒙鑒明珠。早穂寒芳。盡

沾甘露。雖復時流歲永。生滅不追。行住坐臥。伏膺如在。爰召景昧。  
謬齒元良。守器非才。昇離多懼。復承明詔。翼經作伯。暫輟監撫。還  
省宸方。瞻望天台。有如地踊。僧使續來。龕瑞重疊。多寶妙塔。如意  
分身。玉毫金光。分宵破闇。應念彈指。自室空聲。有一于此。已稱顯  
瑞。四者難并。豈非希有。自曇光坐滅之後。道猷身證已來。興公飛  
錫。所不能稱。靈運山居。未有斯事。盛矣哉。是我大師證道之基趾  
也。至矣哉。是我良田之報歲也。詩云。無言不酬。無德不報。經稱知  
恩報恩。諸佛皆爾。近年雖遵誠約。脩構祇桓。多慚布金。止因山宇。  
庶同心淨域。勝土莊嚴。幸僧眾無虧。熏綸不輟。冥力深扶。人功多  
愧。今遣員外散騎侍郎兼通事舍人張乾成送僧使灌頂等還山。  
于寺設會。稽首接足。十方三世。一切三寶。無量幽顯。現前大眾。召  
此功德。仰資先師智者。早證正覺。具如臨終證現。已生安養。頃來  
畱瑞。久現彌陀。踰武觀音。連衡大勢。迴眸東視。不捨娑婆。轉睇南

閻浮憐震旦、滄溟巨海、尚不讓于涓流、嵩華峻極、安苟掛于微端。  
敢陳薄供、願垂攝受、當使無邊法身、盡承甘露、無量化影、咸進醍  
醐、涅槃餐之、不可窮般若味之、而不盡盡我念力、遵我師道、銷我  
煩惱、滿我誓願、現在未來、長惠拔提、家國眷屬、俱入大乘、密往潛  
來、恆垂影響、塵勞障累、銷除隱塞、究竟等虛空、圓滿如法界、斯則  
大師勝力、諸佛荷擔、弟子銜慈、出如來藏、無離文字、乞求解脫文  
字之性、卽解脫也、不著世間、如蓮華常善入于空寂、行達諸法、相  
無罣礙、稽首如空無所依。同上

全隋文卷七

八

賜進士出身二品銜廣東等處提刑按察使司按察使兼管驛傳事務萬岡王毓藻校刊

全隋文卷七終

全隋文卷八

烏程嚴可均校輯

恭帝

帝諱侑。元德太子昭之子。大業二年封陳王。後徙封代王。達東之役。畱鎮京師。十一年從幸晉陽。拜太原太守。尋還鎮京師。十三年十一月卽位。遙尊煬帝爲太上皇。改元義寧。在位二年。禪于唐。封鄆國公。武德二年崩。謚曰恭皇帝。

改元大赦詔

義寧元年十一月壬戌

王道喪亂。天步不康。古往今來。代有其事。屬之于朕。逢此百罹。彼蒼者天。胡盜斯忍。繼綵之歲。夙遭憫凶。孺子之辰。太上播越。興言感動。實疚于懷。太尉唐公。膺期作宰。時稱舟楫。大拯橫流。糾合義兵。翼戴皇室。與國休戚。再匡區夏。爰奉明詔。弼予幼冲。顯命光臨。天威咫尺。對揚尊號。悼心失圖。一人在遠。三讓不遂。僂俛南面。厝

身無所苟利社稷莫敢或違俯從羣議奉遵聖旨可大赦天下改  
大業十三年爲義寧元年十一月十六日昧爽日出大辟罪已下  
皆赦除之常赦所不免者不在赦限附書恭

委任唐王詔

義寧元年十一月丙寅

附書恭

朕惟孺子求出深宮太上遠巡追蹤穆滿時逢多難委當尊極辭  
不獲免恭已臨朝若涉大川罔知所濟撫躬永歎憂心孔棘民之  
情僞曾未之間王業艱難載云其易賴股肱戮力上宰賢良匡佐  
沖人輔其不逮軍國機務事無大小文武設官位無貴賤憲章賞  
罰咸歸相府庶績其凝責成斯屬逖聽前史茲爲典故因循仍舊  
非曰徒言所存至公無爲讓德附書恭

遜位唐王詔

義寧二年五月庚午

天祐隋國大行太上皇遇盜江都酷甚望夷脰深驪北憫予小子  
奄逮不保哀號承感心情糜濶仰惟荼毒仇復靡申形影相吊罔

知啟處相國唐王膺期命世扶危拯溺自北徂南東征西怨總九  
合于一匡涉百勝于千里糾率夷夏大庇氓黎保乂朕躬繫王是  
賴德侔造化功格蒼昊兆庶歸心麻數斯在屈爲人臣載違天命  
在昔虞夏揖讓相推苟非重華誰堪命禹當今九服崩離三靈改  
卜大運去矣請避賢路兆謀布德顧已莫能私僮命駕須歸藩國  
子本代王及予而代天之所廢豈期如是庶憑稽古之聖呂誅四  
凶幸值惟新之恩預充三恪雪冤恥于皇祖守禋祀爲孝孫朝聞  
夕殞及泉無恨今遵故事遜于舊邸庶官羣辟改事唐朝宜依前  
典趣上尊號若釋重負感泰兼懷假手眞人俾除醜逆濟濟多士  
明知朕意備書恭帝紀  
越王侗

明知朕意

備書

恭帝紀

越王侗

音文

煬蕭皇后

后南蘭陵人後梁明帝之女開皇中策爲晉王妃煬帝卽位立  
爲皇后江都之變沒于宇文化及化及敗沒于竇建德尋爲突

厥處羅可汗所迎至唐貞觀四年突厥破滅歸于京師二十一年殂謚曰愍

述志賦

并序

帝每遊幸后常不隨從時后見帝失德心知不可不敢厝言因爲述志賦自寄其詞曰

承積善之餘慶備箕箒于皇庭恐修名之不立將負累于先靈迺夙夜而匪懈實寅懼于玄冥雖自強而不息亮愚蒙之多滯思竭節于天衢才追心而弗逮實庸薄之多幸荷隆寵之嘉惠賴天高而地厚屬王道之昇平均二儀之覆載與日月而齊明迺春生而夏長等品物而同榮願立志于恭儉私自競于誠盈孰有念于知足苟無希于溢名惟至德之弘深情不遁于聲色感懷舊之餘恩求故劖于宸極叨不世之殊畧謬非才而奉職何寵祿之踰分撫智襟而未識雖沐浴于恩光內慚惶而累息顧微躬之寡昧思令

淑之良難。實不遑于啟處，將何情而自安？若臨深而履薄，心戰慄其如寒。夫居高而必危，每處滿而防溢。知恣夸之非道，乃攝生于冲謐。嗟寵辱之易驚，尙無爲而抱一、履謙光而守志。且願安乎容膝，珠簾玉箔之奇，金星瑤臺之美。雖時俗之崇麗，蓋哲人之所鄙。愧綿綸之不工，豈絲竹而喧耳。知道德之可尊，明善惡之由已。屏羣煩之俗慮，乃服膺于經史。綜箴誠曰訓心，觀女圖而作軌。遵古賢之令範，冀福祿之能緣。時循躬而三省，覺今是而昨非。嗤黃老之損思，信爲善之可歸。慕周姒之遺風，美虞妃之聖則。仰先哲之高才，慕至人之休德。質菲薄而難蹤，心恬愉而去惑。乃平生之耿介，實禮義之所違。雖生質之不敏，庶積行以成仁。擢達人之蓋寡，謂何求而自陳。誠素志之難寫，同絕筆于獲麟。隋書蕭皇后傳文苑英華九

廢太子勇

十七

勇字覲地伐文帝長子周世昌武元軍功封博平侯大象中立爲隋世子拜大將軍左司衛封長寧郡公出爲洛州總管東京小冢宰徵還進上柱國大司馬領內史御正及受禪立爲皇太子開皇二十年廢爲庶人及文帝崩矯詔賜死追封房陵王上書諫徙流民實邊

竊臣導俗當漸非可頓革戀土懷舊民之本情波逆流離蓋不獲已有齊之末主閭時昏周平東夏繼臣威虐民不堪命致有逃亡非厥家鄉願爲羈旅加臣去年三方逆亂賴陛下仁聖區宇肅清鋒刃雖屏瘞痍未復若假臣數歲沐浴皇風逃竄之徒自然歸太雖北夷猖獗嘗犯邊烽今城鎮峻峙所在嚴固何特遷配臣致勞擾臣臣庸虛謬當儲貳寸誠管見輒臣塵聞隋書房陵王傳

秦王俊

俊字阿祇文帝第三子開皇元年封秦王尋拜上柱國河南道

行臺尚書令雄州刺史加右武衛大將軍遷秦州總管又遷山  
南道行臺尚書令伐陳之後爲行軍元帥屯漢口尋授揚州總  
管鎮廣陵轉并州總管徵還京師免官復拜上柱國薨謚曰孝  
王

伐陳檄蕭摩訶等文

文苑英華此題爲侯莫陳悅檄蕭摩訶等文原校云悅西魏永熙三年卒隋伐陳呂侯莫

陳頴爲行軍總管悅當作頴梅鼎祚云隋書頴本傳頴從秦王悅出魯山道伐陳又秦王俊傳俊爲山南道行軍元帥督三十總管屯漢口爲上流節度則此檄稱寡人乃秦王俊如晉王廣

撤陳江總等稱寡人也今冒稱秦王然不曉何人筆耳

夫文軌未同江湖致阻風雲密邇良用依然肇歲猶寒想如宜也  
經始戎務念召勞懷寫人肅稟天策爰征不庭懸旌殊馬今次楓  
岸夫時有盛衰運有興滅積德必慶延後嗣長惡則祚不及遠陳  
氏往因際會竊有金陵舊瑣承立遂相屠害叔寶嗣偽彌復忍虐  
沈酣日增內荒愈甚雕牆峻宇加錦繡于土木嚴刑酷法陷人物  
于塗炭諫士喪身元良籍口無遺之極自古罕聞有一于此何可

不滅斯皆公等所悉。素匪寓言，我皇誕膺靈命，光臨大寶，再闢乾坤，重懸日月，歷代逋誅之寇，曠古不羈之民，感我仁風，咸沐至道。唯彼吳越，猶未革心主上義存，字小含曰寬大，冀能撫育彼民，守其封域，而窮兇極暴，日就月將，士庶無聊，人神共憤，乞師繼軌，獻款相尋，愍彼黎元實與我役，已有別詔，止廢僞主之身，此外士民咸從蕩滌，西自巫峽，東達滄海，巨艦覆波濤，樓船出雲霧，瓜步六合，當腹心之衝，洛宮漢口，據上游之勢，曲江鎮揚，據其要津，鐵馬介夫，千羣萬隊，攘袂扼腕，唯所用之，彼國兵士，多少備見，已算御眾，理在非敵，救首數尾，將何日及，況復士無歸心，人懷二志，身雖擐甲，情在倒戈，假使穰苴更生，孫武猶在，亦不能施其智略，況吳師皆奔走之餘，何可用也，世公早涉戎旅，備經征行，安危之勢，如近目前，得喪之機，若觀掌內，吾國家今日之盛，僞主若猶可全爲

其展效容復可諒江東難立有識同知陳氏必亡賢愚共見天之所廢誰能興之既無所成徒自傾覆夫毒蛇螫手壯士斷腕豈不借其肌骨所存者大也公若轉禍爲福因機立功翩然奮飛共弘大業則江東士眾免于鋒刃之苦天下生民欣然太平之世公當位極台鼎福延子孫爰及宗族咸加榮寵豈與夫不識天命拒我王師舉死扶傷履涉膏血同年共日而語哉斯皆肝膽至言成敗大理幸非可惑宜早圖之

文苑英華

與釋智顥書

冬暮寒切道體何如法務勤辛有旨勞念安州方等寺奉爲皇帝修立屈法師向彼行道甚不可言已令所司發遣供給願乞熏修爲懷不憚利涉也道湊敬德遣白不具弟子楊俊和南十二月十七日

釋藏清百起二園

第二書

傾仰每深甚熱。禪師道體何如。修習不乃勞心也。夫由有展企結良漢願珍德。遣白不具。弟子楊俊和南五月十九日奉施沈香等

如別至願檢領沈香十斤、牋香十斤、熏陸少許右牒薄申供養同上

蜀王秀

秀文帝第四子開皇元年封越王尋徙封蜀王拜柱國益州刺史進上柱國西南道行臺尚書令罷還爲內史令右領軍大將軍尋復鎮蜀仁壽二年徵還廢爲庶人幽內侍省煬帝卽位禁錮如初字文化及行弑并遇害

幽廢上表

臣已多幸聯慶皇枝蒙天慈鞠養九歲榮貴唯知富樂未嘗憂懼輕恣愚心陷茲刑網負深山岳甘心九泉不謂天恩尙假餘漏至如今者方知愚心不可縱國法不可犯撫膺念咎自新莫及猶望分身竭命少荅慈造但已靈祇不祐福祿消盡夫婦抱思不相勝

致只恐長辭明世、永歸泉壤、伏願慈恩賜垂矜愍、殘息未盡之間、  
希與瓜子相見、請賜一穴、令骸骨有所歸。隋書庶人秀傳秀幽內侍省乃上表

漢王諒

諒字德章、一名傑、文帝第五子、開皇元年封漢王、尋爲雍州牧、  
加上柱國右衛大將軍、轉左衛、出爲并州總管、文帝崩、徵不赴、  
發兵反、爲楊素所敗、尋降除名、爲民、絕屬籍、已幽死。

宣揚正法敎

寡人備是帝子民父、在政此蕃、召請法師等遠來降趾、道不虛運、  
必藉人弘、正欲闡揚佛教、使慧日清朗、兆庶蒙賴、法之力也、宜銓  
舉業長者、可于大興國寺宣揚正法。續高僧傳諒鎮晉陽造內城寺引釋志念等居之又令誥頌宣敎

觀王雄

雄初名惠、文帝族子、仕周武帝爲太子司旅下大夫、進上儀同

封武陽縣公。遷右司衛上大夫。大象中，進爵邗國公。出爲雍州別駕。授柱國、雍州牧。領文帝相府虞候。進上柱國。隋受禪，除左衛將軍兼宗正卿。遷右衛大將軍。封廣平王。拜司空。尋改封清漳王。仁壽初，改封安德王。大業初，授太子太傅。檢校鄭州刺史事。尋授懷州刺史。徵拜京兆尹。改封觀王。檢校左翊衛大將軍。薨年七十一。贈司徒。謚曰德王。

荅詔廢太子勇

至尊爲百姓割骨肉之恩，廢黜無德實爲大慶。天下幸甚。

隋書房陵王傳

慶舍利感應表

臣雄等言：臣聞大覺圓備，理照空有；至聖虛疑，義無生滅。故雖形分聚芥，尚貯金闕；體散吹塵，猶興寶刹。自釋提詣灰之後，育王建塔已來，未有分布舍利，紹隆勝業。伏惟皇帝積因曠劫，宿證菩提。

降迹入玉護持世界、往者道消在運、仁祠廢毀、慈燈滅影、智海絕流、皇祚既興、法鼓方震、區宇之内、咸爲淨土、生靈之類、皆獲梵雲、去夏六月、爰發詔旨、延請沙門奉送舍利于三十州、自十月十五日同時起塔、而蒲州棲巖寺規模置塔之所、于此山上、乃有鐘鼓之聲、舍利在講堂內、其夜前浮圖之上、發大光明、爰及堂裏、流照滿室、將置舍利于銅函、又有光若香爐、乘空而上、至浮圖寶瓶、復起紫焰、或散或聚、皆成蓮華、又有光明于浮圖上、狀如佛像、花趺宛具、停住久之、稍乃消隱、又有光明繞浮圖寶瓶、蒲州城內仁壽寺僧等、遙望山頂、光如樓闕、山峰瀾谷、昭然顯見、照州城東南隅、良久不滅、其棲巖寺者、卽是太祖武元皇帝之所建造、又華州置塔之處、于時雲霧大雪、忽卽開朗、正當塔上有五色相輪、舍利下訖、還起雲霧、皇帝皇后又得舍利、流輝散彩、或出或沈、自非至德精誠、道合靈聖、豈能神功妙相致此奇特、臣等命偶昌年、旣覩

太平之世、生逢善業、方出塵勞之境、不勝抃躍、謹拜表陳賀、已聞

廣弘明集十七  
隋安德王雄等

讓改封觀王表

臣早逢興運、預班末屬、有命有時、藉風雲之會、無才無德、濫公卿之首、蒙先皇不次之賞、荷陛下非分之恩、久棄台槐、常慮盈滿、豈可仍叨匪服、重竊鴻名、臣實面牆、敢緣往例、臣誠昧寵交懼身責、昔劉賈封王、豈備三階之任、曹洪上將、蓋超五等之節、況臣袞章踰于帝子、京尹亞于皇枝、錫土作藩、銚金開國、于臣何已自處、在物謂其乖分、是日露款執愚、祈恩固守、伏願陛下曲留慈照、特鑒丹誠、頻觸宸嚴、伏增流汗、隋書觀德王雄傳

齊王暕

暕字世朏、小字阿孩、煬帝第二子、開皇中封豫章王、授內史令、仁壽初、拜揚州總管、煬帝卽位、遷豫州牧、進封齊王、轉雍州牧。

尋徙河南尹開府儀同三司罷歸從幸江都爲宇文化及所害  
臨淮海下教延沙門智顥

弟子下車舊楚蘚改炎涼遯蹤清規其來有日敬承幽栖山谷多  
歷年所道風勝氣獨擅當今故曰德冠林遠道超生什炳斯慧炬  
呂悟羣迷獨步江東何甚之美未獲稽疑下筵滄承高義杼軸之  
勞載盈懷抱據虎之岫川途不遐翔鷺之濱風煙相接必願振忍  
辱之衣赴翹勤之望續高僧傳梁智顥姓朱住虎丘東山詩賦作教淮海乃降教書延之

遺崔頡書

昔漢氏西京梁王建國平臺東苑慕義如林馬卿辭武騎之官枚  
乘罷弘農之守每覽史傳嘗切怪之何乃脫略官榮棲遲藩邸已  
今望古方知雅志彼二子者豈徒然哉足下博聞強記鉤深致遠  
視漢臣之三箇俗涉蒙山對梁相之五車若吞雲夢吾兄欽賢重  
士敬愛忘疲先築郭隗之宮常置穆生之醴今者重開土宇更營

山河地方七百，牢籠曲阜。城兼七十，包裹臨淄。大啟南陽，方開東  
閭。想得奉飛蓋曳長裾，藉玳筵躡珠履。歌山桂之偃蹇，賦池竹之  
檀欒。其崇貴也如彼，其風流也如此。幸甚幸甚，何樂如之。高祝上

京，有懷德祖才，謝天人多慙子建書。

隋書隱逸崔廓傳入

見文苑英華六百九十三

與逸人王眞書

夫山藏美玉，光照廊廡之閒。地蘊神劖，氣浮星漢之表。是知毛遂  
穎脫，義感平原。孫惠文詞來遷東海，願循寡薄。有懷髦彥，籍甚清  
風。爲日久矣，未獲披覲。良深延遲，比高天流火。早應涼飄，陵雲仙  
掌。方承清露，想攝衛攸宜。與時休適，前圓後圓。從容丘壑之情，左  
琴右書。蕭散煙霞之外，茂陵謝病。非無封禪之文，彭澤遺榮。先有  
歸來之作，優游儒雅。何樂如之。余屬當藩屏，宣條揚越。坐棠餘訟  
事，絕詠歌。舉桂摛詞，眷言高遜。至于揚旌北渚，飛蓋西園。託乘乏

應劉置醴闕申穆、背淮之賓徒。聞其語、趨燕之客罕。值其人、卿道冠、膺揚聲高鳳舉、儒墨泉海詞章苑圃。棲遲衡泌懷寶迷邦、徇茲獨善良已於悒。今遣行人且宣往意、側望起予甚于飢渴。想使輒舉副此虛心、無信投石之談。空慕鑿坯之逸、書不盡言更慚詞費。

而書王貞傳文苑  
大華六百八十八

賜進士出身二品銜廣東等處提刑按察使司按察使兼管驛傳事務黃岡王毓藻校刊

全隋文卷八終

全隋文卷九

烏程嚴可均校輯

陽休之

休之字子烈，右北平無終人。魏前軍將軍固子。爲州主簿。孝昌中，避亂入都。孝莊時，累遷冠軍長史。孝武時，出爲驃騎賀拔勝。荊州長史。隨府轉行軍右丞。南道軍司。從勝奔梁。天平中，還魏。爲齊文襄開府主簿。隨府轉行臺郎中。元象初，封新泰縣伯。武定中，累遷中軍將軍。幽州大中正。兼侍中。齊受禪，除散騎常侍。別封始平縣男。歷事文宣、廢帝、孝昭、武成後主。至尙書右僕射。封燕郡王。齊亡入周。除開府儀同。歷納言中大夫。太子少保。大象末，進位上開府。除和州刺史。至隋開皇二年免。卒于洛陽。年七十四。有幽州古今人物志三十卷。集三十卷。

陶潛集序錄

余覽陶潛之文辭采雖未優而往往有奇絕異語放逸之致樓託仍高其集先有兩本行于世一本八卷無序一本六卷并序目編比顛亂兼復闕少蕭統所誤八卷合序自傳誄而少五孝傳及四八目然編次有體次第可尋余頗賞潛文召爲三本不同恐終致忘失今錄統所闕并序目等合爲一帙十卷召遺好事君子陶淵明集

宋本

崔猷

猷字宣猷博陵安平人魏幽州刺史挺孫仕魏爲員外散騎侍郎領大行臺郎中歷通直散騎侍郎攝尚書駕部郎中普泰初除征虜將軍司徒從事中郎永熙中入關召本官奏門下事大統初兼給事黃門侍郎封平原縣伯正除黃門加中軍將軍除司徒左長史加驃騎將軍遷京兆尹除大都督驃騎將軍浙州刺史加車騎大將軍儀同三司進侍中驃騎大將軍開府本州

大中正賜姓宇文氏。恭帝時授梁州刺史。周受禪進爵固安縣公。明帝卽位徵拜御正中大夫。武成末除司會中大夫。武帝卽位重授梁州刺史。尋復爲司會。建德中出爲同州司會。徵拜小司徒。加上開府儀同大將軍。隋受禪授大將軍。進爵汲郡公。開

皇四年卒。謚曰明。

建議遵秦漢稱皇帝建年號

世有澆滻運有治亂故帝王之沿革聖哲因時制宜今天子稱王不足曰威天下請遵秦漢稱皇帝建年號周書崔龍傳世宗卽位時依周禮稱天王又不建年號取呂爲云云朝議從之

復王思政書

夫兵者務在先聲後實故能百戰百勝。呂弱爲彊也。但襄城控帶京洛實當世之要地如有動靜易相應接。潁川既鄰寇境又無山川之固賊若充斥徑至城下輒已愚情權其利害莫若頓兵襄城

爲行臺治所潁川置州遣郭賢鎮守則表裏膠固人心易安縱有不虞豈能爲患

阿書崔  
賦傳

崔仲方

仲方字不齊，畝子。仕周爲宇文護參軍，轉記室，遷司玉大夫，授平東將軍，銀青光祿大夫，封石城縣男。授儀同三進，封范陽縣侯。宣帝時，爲少內史。隋受禪，進位上開府，轉司農少卿，封安固縣公。拜虢州刺史，轉基州刺史，加開府，轉會州總管。仁壽初，遷代州總管。煬帝卽位，進位大將軍，拜民部尚書，轉禮部尚書，坐事免。尋爲國子祭酒，轉太常卿，歷上郡信都太守，致仕卒。年七十六。

上書論取陳之策

臣謹案晉太康元年歲在庚子，晉武平吳至今開皇六年，歲次景午，合三百七載。春秋寶乾圖云：王者三百年一綱法，今三百之期，

可謂備矣。陳氏草竊起于景子，至今景午，又子午爲衝陰，陽之忌也。昔史趙有言曰：陳、顓、項之族爲水，故歲在鶉火，曰滅。又云：周武王克商，封胡公滿于陳，至魯昭公九年，陳災，碑寵曰：歲五及鶉火，而後陳亡。楚克之，楚祝融之後也，爲火正，故復滅陳。陳承舜後，舜承顓頊，雖太歲左行，歲星右轉，鶉火之歲，陳族再亡。戊午之午，媯虞運盡，語迹雖殊，攷事無別。皇朝五運相承，感火德而王，國號爲隋，與楚同分，楚是火正，午爲鶉火，未爲鶉首，申爲寶沈，酉爲大梁，既當周秦晉趙之分，若當此分發兵，將得歲之助。目今量古，陳滅不足疑。臣謂午未申酉，竝是數極，蓋闢天時不如地利，地利不如人和。況主聖臣良，兵強國富，動植同心，人神叶契。陳旣主昏于上，民謠于下，險無百二之固，眾非九國之師，夏癸殷辛，尙不能立，獨此鳥夷，而稽天訃，伏度朝廷，自有私謀，但芻蕘所見冀，申螢燭今，唯須武昌已下，斷和滁方，吳海等州，更帖精兵，密營渡計，益信襄荆，基

郢等州，速造舟楫，多張形勢，爲水戰之具。蜀漢二江，是其上流水路衝要，必爭之所。賊雖于流頭、荆門、延洲、公安、巴陵、隱磯、夏首、斬口、益城、置船，然終聚漢口、峽口，以水戰大決。若賊必曰：上流有軍，令精兵赴援者，下流諸將，卽須擇便橫渡，如擁眾自衛，上江水軍，鼓行目前，雖恃九江五湖之險，非德無以爲固。徒有三吳百越之兵，無恩不能自立。

隋書崔仲方傳

崔隣

隣，字祖濬，仲方族人。開皇初，射策高第，除校書郎，轉協律郎。母憂去職，徵爲河南豫章二王侍讀，及河南爲晉王轉記室參軍。王入東宮，除太子齋師，遷舍人。召疾歸，徵授起居舍人大業中，爲鷹揚長史，遷越王長史。宇文化及行弑，引爲著作郎，稱疾不起。卒年六十九。

荅詔問藍田玉人

謹案漢文已前未有冠幘卽是文帝自來所制作也臣見魏大司農盧元明撰嵩高山廟記云有神人曰玉爲形像長數寸或出或隱出則令世延長伏惟陛下應天順民定鼎嵩雒岳神自見臣敢

稱慶

隋書隱逸崔廓傳藍田令王墨于藍田山得一玉人長三尺四寸著大領衣冠幘奉之詔問羣臣其有識者駢答

荅豫章王書

一昨伏奉敎書榮覲非恆心靈自失若乃理高象繫管輶思而不解事富山海郭璞注而未詳至于五色相宣八音繁會鳳鳴不足喻龍章莫之比吳札之論周頌詎盡揄揚郢客之奏陽春誰堪赴節伏惟令玉殿下稟潤天潢承輝日觀雅道邁于東平文藻高于北海漢則馬遷蕭望晉則裴楷張華雞樹騰聲鵝池播美望我清塵悠然路絕祖濱燕南贊客河朔情遊本無意于希顏豈有心于慕藺未嘗聚螢映雪懸頭刺股讀論唯取一篇披莊不過盈尺況復桑榆漸暮藜藿屢空舉燭無成穿楊盡棄但呂燕求馬首辭養

雞鳴謬齒鴻儀虛班驩早挾泰山而超海比報德而非難垂焜崐嶧  
日爲池匹酬恩而反易忽屬周桐錫瑞唐水承家門有將相樹宜  
桃李眞龍將下誰好有名濫吹先逃何須別聽但慈旨抑揚損上  
益下江海所日稱王丘陵爲之不遠曹植儻預聞高論則不隕令  
名楊修若明在下風亦詎虧消德無任荷戴之至謹奉啟呂闇隋書

隱逸崔廓傳又北史八十八

袁聿修

聿修字叔德陳郡項人一云陽夏人魏都官尚書驪子太昌中  
爲太保府西閣祭酒歷五兵左民郎中武定末爲太子中舍人  
齊天保初除太子庶子行博陵太守尋兼太府少卿轉大司農  
少卿太寔初除太常少卿河清中加冠軍輔國將軍除吏部郎  
中遷司徒左長史加驃騎大將軍兼御史中丞司徒錄事參軍  
遷祕書監天統中出爲信州刺史武平中除都官尚書轉吏部

尚書齊亡入周授儀同大將軍吏部下大夫大象末除東京司  
宗中大夫隋受禪加上儀同遷東京都官尚書入除都官尚書  
開皇二年出爲熊州刺史卒年七十二

與邢劭書

今日仰遇有異常行瓜田李下古人所慎多言可畏譬之防川願  
得御覽此心不貽厚責北齊書袁聿修傳太盈初聿修自太常少  
作長後遣送白紵寫信聿修退紵不受與邢書  
云又見御覽二百二十九引三國典略

斛斯徵

徵字士亮廣牧富昌人周書作河南洛陽人魏太傅尚書令椿第三子從  
孝武西遷累遷太常卿恭帝末拜司樂中大夫入周進驃騎大  
將軍開府宣帝卽位遷上大將軍太宗伯召諫下獄亡命遇赦  
免隋受禪例復官除太子大傅開皇四年卒謚日闇有樂典十

卷

奏駁鄭譯新樂

禮云十二律轉相生聲五具在十六焉六律十二管還相爲宮然詳一笙十六管總一百九十二管既無相生之理又無還宮之義臣恐鄭聲亂樂未合于古夫音樂之起本于人心天之應人有如影響爲善者天報之曰福爲惡者天譴之曰殃故舜彈五絃之琴歌南風之詩而天下化紂爲朝歌北里之音而社稷滅是知樂也者和性情移風俗動天地感鬼神禍福所基盛衰攸繫安可不慎哉案譯之所爲不師古始若日月奏一笙則鐘鼓諸色各須一十有二雅樂之備已充廟庭今若益之于何陳列方須更闢階墀增修廊宇非急之務盍可勞人如謂笙管之外不須加造則樂之損益豈繫于笙進退無據竊謂不可北史四

李士謙

士謙字子約趙郡平棘人魏徵士謚子廣平王贊辟開府參軍

齊吏部尚書辛衡召署員外郎趙王叔舉德行皆不就開皇八年卒

論刑罰

帝王制法沿革不同自可損益無爲頓改今之贓重者死是斬而不懲也語曰人不畏死不可召死恐之愚謂此罪宜從肉刑刖其一趾再犯者斷其右腕流刑刖去右手三指又犯者下其腕小盜宜黥又犯則落其所用三指又不悛下其腕無不止也無賴之人竄之邊裔職爲亂階道所自召戎矣非求治之道也博奕淫游盜之萌也禁而不止黥之則可隋書隱逸李士謙傳  
又見北史三十三

李穆

穆字顯慶隴西成紀人遷居高平柱國遠弟魏永熙中爲統軍孝武西遷授都督封永平縣子大統中進爵爲伯授武衛將軍儀同三司進封安武郡公加開府領侍中轉太僕進位大將軍

原州刺史遷雍州刺史兼小冢宰周初坐事除名尋除直州刺史武成中除少保拜小司徒進位柱國轉大司空天和中進封申國公建德初拜太保出爲原州總管進位上柱國轉并州總管大象初拜大左輔隋受禪拜太師開皇六年卒年七十七贈冀州刺史謚曰明

請移都表

帝王所居隨時興廢天道人事理有存焉始自三皇暨夫兩漢有一世而屢徙無革命而不遷曹馬同洛水之陽魏周共長安之內此之四代蓋聞之矣曹則三家鼎立馬則四海尋分有魏及周甫得平定事乃不暇非日師古往者周運將窮祿生華裔廟堂冠帶屢覩姦回士有包藏人稀柱石四海萬國皆縱豺狼不叛不侵百城罕一伏惟陛下膺期誕聖秉籙受圖始晦君人之德俯從將相之重內翦羣兇崇朝大定外誅巨猾不日肅清變大亂之民成太

平之俗、百靈符命、兆庶謳歌、幽顯樂推、日月墳積、方屈箕願之志、始順內外之謹、自受命神宗、弘道設教、陶冶與陰陽合德、覆育共天地、齊旨萬物、開闢之初、八表光華之旦、視聽昌革、風俗且移、至若帝室天居、未議經刱、非所謂發明大造、光贊惟新、自漢昌來、爲喪亂之地、爰從近代、累葉所都、未嘗謀遷、間筮、瞻星定鼎、何昌副聖主之規、表大隋之德、竊昌神州之廣、福地之多、將爲皇家、興廟建寢、上玄之意、當別有之、伏願遠順天人、取決卜筮、時改都邑、光宅區夏、任子來之民、垂無窮之業、應神宮于辰極、順和氣于天壤、理康物阜、永隆長世、臣日薄桑榆、位高軒冕、經邦論道、自顧缺然、丹赤所懷、無容噬嘿。隋書李穆傳

遺令

吾荷國恩、年宦已極、啟足歸泉、無所復恨、竟不得陪玉鑾于岱宗、預金泥于梁甫、眷眷光景、其在斯乎。隋書李穆傳

李詢

李詢

詢字孝詢，穆兄賢之子。仕周爲納言上士，轉內史上士，兼掌吏部。建德中，拜司衛上士，歷儀同三司長安令，遷英果大夫，加位大將軍，封高平郡公。大象初，爲行軍元帥長史，進位上柱國，改封隴西郡公。隋受禪，檢校襄州總管，尋拜隰州總管，卒，謚曰襄。

上隋公密欵  
大將梁士彥，字文忻，崔弘度竝受尉遲迴饋金，軍中怪怪，人情大異。隋書李德林傳韋孝寬爲東道元帥長史李詢上密欵

梁睿

睿字恃德，安定烏氏人。西魏大統中，襲父禦爵廣平郡公，累加儀同三司，尋爲本邑大中正。恭帝時，加開府，改封五龍郡公。周受禪，徵爲御伯，出爲中州刺史，鎮新安，拜大將軍，進封蔣國公。入爲司會，遷小冢宰。武帝時，歷敷州刺史，涼安二州總管，進位

柱國大梁中爲益州總管。進位上柱國，隋受禪徵還京師。開皇十五年卒，謚曰襄。大業中追改封戴公。

上隋公疏請略定南蠻

竊臣遠撫長駕王者合圖易俗移風有國恆典南蠻州漢世并柯之地近代已來分置興古雲南建蠻朱提四郡戶口殷眾金寶富饒二河有駿馬明珠益蠻出鹽井犀角晉太始七年召益州曠遠分置寧州至僞梁南寧州刺史徐文盛被湘東徵赴荊州屬東夏尙阻未遑遠略土民爨墳遂竊據一方國家遙授刺史其子震相承至今而震臣禮多虧貢賦不入每奉獻不過數十匹馬其處去益路止一千朱提北境卽與戎州接界如聞彼人苦其苛政思被皇風伏爲大丞相匡贊聖朝寧濟區宇絕後光前方垂萬代關土服遠今正其時幸因平蜀士眾不煩重興師旅押掠旣訖卽請略定南蠻自盧戎已來軍糧須給過此卽于蠻夷徵稅召供兵馬

其寧州朱提雲南西爨竝置總管州鎮計彼熟蠻粗調足供城防倉儲一則曰肅蠻夷二則裨益軍國今謹件南寧州郡縣及事意如別有大都督杜神敬昔曾使彼具所諳練今并送往

隋書梁睿傳

又請

竊臣柔遠能邇著自前經折土開疆王者所務南寧州漢代牂柯之郡其地沃壤多是漢人既饒寶物又出名馬今若往取仍置州郡一則遠振威名二則有益軍國其處與交廣相接路乃非遙漢代聞此本爲討越之計伐陳之日復是一機臣此商量決謂須取

隋書梁睿傳  
書未答又請

上書奏北邊鎮守策

竊臣戎狄作患其來久矣防遏之道自古爲難所曰周無上筭漢收下策曰其條來忽往雲屯霧散彊則骋其犯塞弱又不可盡除故也今皇祚肇興宇內寧一唯有突厥種類尙爲邊梗此臣所曰

廢寢與食寤寐思之昔匈奴未平主病辭老先零尚在充國自歎  
臣才非古烈而志追昔士謹件安置以北邊城鎮烽候及人馬糧貯  
戰守事宜如別謹并圖上呈伏惟共覽隋書梁睿傳睿見突厥方  
略恐爲邊患復陳鎮守之策十餘事

上書奏之

竇榮定

榮定扶風平陵人尚文帝姊安成長公主西魏大統中爲千牛  
備身授平東將軍封宜君縣子拜上儀同襲父善爵永富縣公  
進位開府除忠州刺史周建德末加上開府拜前將軍佽飛中  
大夫大象中領左右宮伯拜洛州總管隋受禪坐事除名尋拜  
右武侯大將軍上柱國益州刺史除秦州總管進爵安豐郡公  
拜右武衛大將軍轉左武衛大將軍開皇六年卒贈冀州刺史  
謚曰懿

上書讓三公

臣每觀西朝衛霍、東都梁鄧、幸託葭莩、位極台鉉、寵積驕盈、必致傾覆。向使前賢少自貶損、遠避權勢、推而不居、則天命可保、何覆宗之有。臣每覽前修實爲畏懼。

隋書 賈定傳

趙煥

煥字圓通、一作通賢、天水西人。魏末爲周文帝相府參軍、封平定縣男、轉中書侍郎、周受禪遷陝州刺史、授開府儀同三司、遷荊州總管長史、入爲民部中大夫、建德中除益州總管長史、入爲天官司會、累遷御正上大夫、大象中加上開府、復拜天官都司會、遷大宗伯、隋受禪進大將軍、封金城郡公、出爲相州刺史。

徵尙書右僕射、出爲陝州刺史、轉冀州刺史。

因斛斯徵在逃密奏周武帝大赦

徵自己負罪深重、懼死遁逃、若不北竄匈奴、則南投吳越、徵雖愚陋、久歷清顯、奔彼敵國、無益聖朝、今者炎旱爲災、可因茲大赦。

隋書

楊尚希

士希

通與

作弘

農人周文帝賜姓普六如氏擢爲國子博士轉

舍人化明武世歷太學博士太子宮尹計部中大夫賜爵高都

縣侯東京司憲中大夫大定中授司會中大夫隋受禪拜度支

尚書進爵爲公出爲河南道行臺兵部尚書加銀青光祿大夫

出爲瀛州刺史未之官除兵部尚書轉禮部尚書授上儀同出

爲蒲州刺史開皇十年卒謚曰平

請併省郡縣表

自秦并天下罷侯置守漢魏及晉邦邑屢改竊見當今郡縣倍多于古或地無百里數縣並置或戶不滿千二郡分領具寮邑眾資費日多吏卒又倍租調歲減清幹良才百分無一動須數萬如何可充所謂民少官多十羊九牧琴有更張之義瑟無膠柱之理今

存要去閑併小爲大國家則不虧粟帛遙舉則易得賢才敢陳管見伏聽裁處隋書楊尚希傳北史七十五通典三十三

韋世康

世康京兆杜陵人。魏雍州從事。子西魏大統中辟州主簿。歷直寢。封漢安縣公。尚周文帝女襄樂公主。授儀同三司。後仕周。歷典祠大夫。河陁二州刺史。從武帝平齊。授司州總管長史。宣帝時入爲民部中大夫。進位上開府。轉司會中大夫。靜帝卽位。授絳州刺史。隋初擢禮部尚書。進爵上庸郡公。轉吏部尚書。拜襄州刺史。免尋授安州總管。遷信州總管。復拜吏部尚書。出爲荊州總管。開皇十七年卒。贈大將軍。謚曰文。

在絳州與子弟書

吾生因縉餘夙霑纓弁驅馳不已四紀于茲亟登袞命頻泣方岳志除三惑心慎四知日不貪而爲賈處膏脂而莫潤如斯之事頗

爲時悉今耄雖未及壯年已謝霜早梧楸風先蒲柳眼闇更劇不見細書足病彌增非可趨走祿豈須多防滿則退年不待暮有疾便辭況娘春秋已高溫清宜奉晨昏有閑罪在我躬今世穆世文竝從戎役吾與世沖復嬰遠任陟岵瞻望此情彌切桓山之悲倍深常戀意欲上聞乞遵養禮未訪汝等故遣此及與言遠慕感咽

難勝

隋書韋世康傳

### 王元規

元規字正範太原晉陽人居會稽師事沈文阿梁中大通初對策舉高第爲湘東王國左常侍轉員外散騎侍郎除中軍宣城王記室參軍侯景之亂棄官歸鄉里陳天嘉中除始興王功曹參軍領國子助教轉鎮東鄱陽王記室參軍仍領助教後主在東宮引爲學士尋除尚書祠部郎復爲鄱陽王中錄事參軍轉散騎侍郎遷南平王限內參軍王爲江州隨府之鎮陳亡入隋

爲秦王府東間祭酒卒于廣陵年七十四有續沈文阿春秋左氏傳義略十卷續經典大義十二卷

郊壇丈尺議

案前漢黃圖上帝壇徑五丈高九尺后土壇方五丈高六尺梁南郊壇上徑十一丈下徑十八丈高二丈七尺北郊壇上方十丈下方十二丈高一丈卽日廟郊壇廣十丈高二丈二尺五寸北郊壇廣九丈三尺高一丈五寸今議增南郊壇上徑十二丈則天大數下徑十八丈取于三分益一高二丈七尺取三倍九尺之堂北郊壇上方十丈卽則地義下至十五丈亦取二分益一高一丈二尺亦取二倍漢家之數禮記云爲高必因丘陵爲下必因川澤因名山升中于天因吉土饗帝于郊周官云冬日至祠天于地上之圜丘夏日至祭地于澤中之方丘祭法云燔柴于秦壇祭天也瘞埋于秦折祭地也記云至敬不壇埽地而祭于其質也卽報覆纛持

載之功爾雅亦云丘言非人所造爲古圓方兩丘竝因見有而祭本無高廣之數後世隨事遷都而建立郊禮或有地吉而未必有丘或有見丘而不必廣絜故有築建之法而制丈尺之儀愚謂郊祀事重圓方二丘高下廣狹旣無明文但五帝不相沿三王不相襲今謹述漢梁并卽日三代壇不同及更增修丈尺如前聽旨隋書禮儀志一太建十一年尚書祠部郎王沉規議詔遂依開又略見通典四十二

賜進士出身二品銜廣東等處提刑按察使司按察使兼管驛傳事務黃岡王毓藻校刊  
全隋文卷九終

全隋文卷十

烏程嚴可均校輯

江總一

總字總持，濟陽考城人。晉散騎常侍，統十世孫，梁大同中爲宣惠武陵王法曹參軍，歷何敬容丹陽尹佐史，除主簿，遷尚書殿中郎，轉侍郎，進太子洗馬。出爲臨安令，還爲中軍宣城王錄事參軍，轉太子中舍人。太清中，兼太常卿。臺城陷，避難會稽，尋依蕭勃于廣州，承聖中，徵爲明威將軍，始興內史，未行，而江陵陷，陳天嘉中，徵還爲中書侍郎，直侍中省。太建中，遷司徒右長史，掌東宮管記，給事黃門侍郎，領南徐州大中正。授太子中庶子，通直散騎常侍，遷左民尚書，轉太子詹事，免。尋爲侍中，領左驍騎將軍，免。尋爲散騎常侍，明烈將軍司徒左長史，遷太常卿。後主即位，除祠部尚書，轉吏部尚書，遷尚書僕射。尋加宣惠將軍。

授尚書令，祿明中進號中權將軍。陳亡入隋，爲上開府。開皇十四年卒于江都，年七十六。有集三十卷。後集二卷。

貞女峽賦

倦辛苦于嶺表，遂沈淪于海外。迹飄颻于轉蓬，情繚繞于懸旆。駭茲峽之珍怪，佇奇峯而曠曉。或邇迤而四威，乍霏鬼而五曲。含照曜之燭銀，潛滋浚之膏玉。山蒼蒼以隊葉，樹索索而搖枝。澄碧源之見底，聳翠壁以臨危。詠文類

脩心賦

并序

天清四年秋七月，避地于會稽龍華寺。此伽藍者，余六世祖宋尚書右僕射州陵侯元嘉二十四年之所構也。侯之王父晉護軍將軍彪，昔治此邦，卜居山陰都陽里。貽厥子孫有終焉之志。寺域則宅之舊基，左江右湖，面山背壑。東西陵跨，南北紓繁。聊與苦節名僧同銷日月，曉修經戒。夕覽圓青，寢處風雲。憑棲水月，不意華戎

莫辦朝市儕。渝吾此復陽。情可知矣。啜泣濡翰。豈撫鬱結。庶後生君子憫余此榮焉。

嘉南斗之分次。肇東越之靈祕。表擅風于韓什。著鎮山于周紀。總大禹之金書。鑄皋袞之石字。太史來而探穴鍾離去而問筭。信竹箭之爲珍。何砾硃之罕值。奉盛德之鴻祀。寓安禪之古寺。實豫章之舊圃。成黃金之勝地。遂寂默之幽心。若鏡心而遠尋。面曾阜之超忽。邇平湖之迴深。山條偃蹇。水葉浸淫。挂猿朝落。飢鼯夜吟。果叢藥苑。桃蹊橘林。梢雲拂日。結暗生陰。保自然之雅趣。鄙人閉之荒雜。望嵒嶼之迢遙。面江源之重脊。泛流月之夜迴。曳光煙之曉巾。風引鶴而嘶噪。雨鳴林而脩颯。鳥稍狎而知來。雲無情而自合。邇迺野間靈塔。地築禪居。喜園迢遞。樂樹扶疏。經行藉草。宴坐臨渠。持戒振錫。庇影甘蔬。堅固之林可喻。寂滅之場贊如。異曲終而悲起。非木落而愁如。豈降志而辱身。不露才而揚己。鍾風雨之掩

藪倦鶴鳴之恬耳幸避地而高棲憑調御之遺旨折四辯之微言  
悟三乘之妙理遺十纏之槃練祛五惑之塵滓久遺榮于勢利庶  
忘累于妻子惑意氣于疇日寄知音于來祀何遠客之可悲私自  
憐其何已

陳書江總傳文苑英華九十七

勞酒賦

在陽春之仲序覽具物之芳菲帥公卿而播百穀親耒耜而命三  
推開青壇于迴甸列翠幕于清沂乃遵執爵之典爰降食苹之謡  
豁朱鳥之高聰啓黃龍之抗殿奏帝鴻之萬舞動鈞天之九鸞顧  
曲私之亭育遞寒暑而徂遷謬陳力而策駘豈酬恩于暮年

戴文類聚

辭行李賦

惟大梁三十有六載神功懋乎開闢垂恩儲祉歷子代之盤孟盛  
德形容匝周年之弇石月窟向風日域仰澤要荒款塞諸戎重譯

三十一

三十二

輶軒巡履聲芳亥步旌節經過事高禹迹舉皇華之蓋美馳班玉  
之多事或江夏之無雙延洛陽之才子訪羽儀于廊廟旌秀異于  
杞梓引強學之三端賞雕文于四始顧德侗于罕志奉朝章于信  
次忝鳳舉而張旗濟龍沙而通轍敬異季札之聽歌譽乖屬國之  
銜使懷蘇子之抵掌憶千秋之盡地願自勵而飲水揆无庸而案  
轡嗟負恩之无力每若寘于蘋棘俟辭東平之樂善再踐承明而  
遊息豈羨千里之奔蹠蓋殊一錢之不直諒无期于鴻漸念有似  
于蠅翼荷德澤之濡然鑒丹愚之匪飾暫借譽于瑟柱免長徭于  
蕙極聊暇日召須臾每長吟召鬱紝異金石之能固若草木之分  
區進學慙于祓蕪綿力謝于康衢構伯休之蓬戶狎仲憲之桑樞  
徒悅水而非智庶因谷召爲愚恥矯名于周客蓋謚譽于齊竽奉  
棲遲召偃仰願太素之不汚

初學記二十

暨黃圖之棟宇、規紫宸于太清、何面勢之膠葛、信不日之經營、仰  
一時之壯麗、跨萬古之威靈、吐觸石之奇色、混高堂之舊名、若乃  
三階八戶、百拱千楹、瑩昌玉琇、飾昌金英、綠芰懸垂、紅渠倒生、于  
時木葉聲寒、壺人唱靜、承露擎虛、相風昭迥、天子乃下輦開宴、出  
豫娛神、文懸日月、思革風塵、實附鳳之多幸、愧屠龍之不與、  
戴文類聚

三十

華貂賦并序

領軍新安殿下昌副貂垂錫仰銘恩澤謹題小賦

貴豐貂于挹瓊、飾惠文而見求、標侍臣之密設、曜毛彩之溫柔、拜  
文槐而影度、陪武帳而香深、隨玉珩之近遠、共金璫之去留、仰太  
山之千仞、開谷中之鄙矣、撤君子之寶飾、榮小人之蓬藜、蔑置醴  
之殊私、誇賜田之薄潤、顧朽拙之微躬、早遊覩而不工、逢河閒之  
好古、自隗始而恩隆、諒維鶴之有媿、庶懷昔而克終、  
戴文類聚

六十七

山水納袍賦并序

皇儲監國，餘辰勞謙。終宴有介，召納袍降賜。何日奉揚恩德，因題此賦。

濫時來之龍沐，振長纓曰祇肅。奉性與之文章，侍相娛之絲竹。解女羅之山帶，佩流霞之羽服。裁縫則萬壑繁體，針縷則千巖映目。圖島嶼之削成，寫渝漣之徑復。埒符彩于雕煥，竝芬芳于蘭荪。憫四遷之徂遷，軫百慮之迴邇。霜飛空而浸霧，雁照月而猜弦。聽風鐘之易近，對水雷之疏懸。若董衣之百結，同衛服之十年。嗟班醫之已颯，愧治袖之爲妍。謝銜珠之有報，荷墜履之無捐。裁文類聚六十七

瑪瑙盃賦

翠羽流霞之杯，諒無間于瑋麗。豈匹此之奇瓊，爰覩殊特臻。自西國狀驚鶴之點漬，似遊龍之割刻。士衡譬之雲采，中郎羞其馬勒。于時北園清夏，東閣浮涼。山交枝而影雜，水沈葉而流香。蟬無風

而喟短鶯出迴而飛長副君海渟岳峙紙落金鏘獲阿宗之美寶  
命河朔之名觴賓出崑崙之仙阜觴卽元洲之玉酒酒既醉而還  
年盤稍酌而延壽仰天縱之體物銘歌器兮何有載文類聚

南越木槿賦

七十三

日及多名製賓肇生東方記乎夕死郭璞贊召朝策潘文體其夏  
盛嵇賦憫其秋零此則京華之麗木非於越之舜英南中斬草眾  
花之寶雅什未名騷人失藻雨來翠潤露歇紅燥疊萼疑榮低莖  
若倒朝霞映日殊未妍珊瑚照水定非鮮千葉芙蓉詎相似百枝  
燈花復羞燃翫欲寄根對滄海大願移華廁綺錢井上桃蠅難可  
雜庭中桂蠹豈見憐乃爲歌曰啼妝梁冀婦紅妝蕩子家若持花  
竝笑宜笑不勝花趙女垂金珥燕姬插寶珮誰知紅槿豔無因寄  
狹邪徒令萬里道攀折自咨嗟載文類聚

舉士詔至德四年正月甲寅

八十九

堯施諫鼓禹拜昌言求之異等次著前冊舉昌帶淹復聞昔典斯  
乃治道之深規帝王之切務朕昌寡昧不承洪緒永明虛已日昧  
興懷萬機多紊四聰弗達思闇譽謗採其默語王公昌下各薦所  
知僕詢管庫爰及輿卓一介有能片言可用朕親加聽覽俾茲啟  
沃藝文類聚五十三又見初學記二十陳書後  
主紀前冊作前微默語作謀計序茲作序于

爲陳後主在東宮臨學聽講令

令中庶子膠庠化本教學政崩古之雍熙宦不由是自炎行將季  
風化陵遲梁室版蕩微言中廢後生莫曉殊酒之文晚學未聞齊  
魯之說加昌棄本逐末情多詭競自銜守腐更如膠柱假詞而誦  
章類背碑吾稟訓晨昏言詩立禮溫清暇日秋籥冬晝翫前聖之  
筋牘慕往賢之砥礪今鋒刃旣銷雍序大歎刪浮去僞求名責實  
儒玄總集蒲玉交馳楨翰懿親開蒙範物梁園魯殿崇經弘道泮  
宮藩學未比宗師小山驛什宦同章句可謂千里更齊知十肅奉

超過預觀訓貴，縱旅濟濟。冠冕師師，聽鉤深之說。囁循還之辯，美業再興。子斯爲盛。昔遁樓下聘，尙加東帛。祥瑞上臻，猶班重幣。況茲大禮，而可忽諸？外卽詳賜學僚，目稱吾意。文館詞林

爲陳六宮謝章

恭膺禮命，愧集丹縷之顏。拜奉曲私，愁繁翟羽之色。魯宮夜火，怕媛匪憊。楚榭存綠，貞美何懼。豈期日月騰影，風雲寫潤。遲復位崇九御，聲高六列。象服增華，丹輦耀采。何日弼佐王風，克柔陰化。競

性益集，追想流芳之誅。荷遽相并，遂失鳴環之飭。

藝文類聚十  
五初學記十

爲陳六宮謝表

鶴籥晨啟，雀叙曉暎。恭承盛典，肅荷微章。步動雲桂，香飄霧縠。媿繡豔粉，無情拂鏡。愁釀巧繁，息憇臨牕。妾聞漢水贈珠，人閉絕世。洛川拾翠，仙處無雙。或有風流行雨，窈窕初口。聲高一笑，價起兩環。乃可桂殿迎春，蘭房侍寵。借班姬之扇，未掩驚羞。假蔡琰之文，

竊曰漢置五曹方今六尚魏隆八凱擬古六卿近喻唉舌遂簪桓

藝文類聚十五

讓吏部尚書表

斗至如東京許郭西晉裴王仰首伸眉可得而論列矣但臣門基  
世緒晉宋以來內侍帷扆入戶衡尺或年甫將立或歲未強仕是  
已退思弱冠追傷疇昔早塵華任見知名輩常謂忝竊匪朝伊夕  
豈期梁室多故有志無時平生意氣颯爾零落特由邀奉嘉運千  
載一時惟奮龍靈遂臻于此

藝文類聚四十一初學記十一

爲沈尚書君理讓右僕射領吏部表

辛酉已來安石已後遵其軌躅必大夏之棟梁總其寄任亦巨川  
之舟楫未有綿力薄材輕膺此舉

藝文類聚四十八

讓尚書僕射表

藻鏡官友品裁人物明驚如市不慚屋漏心抱如冰無欺暗室但

屢淹星烏。每知忝素。世網拘束。事歸懶勉。今此召會。尤增譖蕪。竊  
呂端揆副職官。稱師長革履升降。停呼寵赫儀刑。朝首冠冕。彝倫

兼復參摠衡流。匡佐聖治。妄膺重責。必踐危機。藝文類聚四十八  
初學記十一  
星烏

作星鳥危  
機作棟機

讓尚書令表

臣弱成立朝。本無奇志。每謂任登常伯。足承基緒。值梁季不造。牧  
拙人間。東鼠三江。南徂百越。不知秦漢。十有七年。心迹退黜。平生  
畢矣。但性疏懶。不屑死增。俯仰乖昧。人物多忤。天飛蹊祚。任寄隆  
重。謬呂商丘之本。遂比舟檝之材。燕岱之丘。混同瑚璉之器。當由  
崇賢使舉。早守名節。竊呂天府文昌。萬方之藪。天官冢宰。無所不  
統。禮革三獨。事昭百揆。曠職云久。三十餘載。一旦開置。必資望實。  
豈期廷典私偏。濫庸菲薄。陛下聽覽餘辰。曲垂昭敍。遂斯反汗。高  
選具瞻。則敝蓋敝帷。使臣暮齒。歲制月制。贍臣皓髮。不呂一急。藝文類聚四十八

爲衡陽王讓吳郡表

之泥馳印發命問函頤之誠夏霜易露兢惶之至春冰可涉臨轔向軾卽事何取廣川無聲頤知自匹

藝文類聚五十一

謝敕給鼓吹表

略尋近古逖聽前事王文憲匡佐革命沈隱侯經綸始運騎吹之榮猶難忝冒臣臣況此實非倫疇豈可更崇文物重假名器高臺迢遞未朱夏而登臨芳樹華滋非青春而奏曲

藝文類聚六十一

爲太保蕭公謝儀同表

阪泉野戰曾無汗馬之勞代邸運籌又闢前驅之勇薄代專征早遊邊外執玉奉酌文虧朝則王人降止朝冉遠臨奉述敕書曲停表奏滄波阻負既杜敬仲之辭關路悠長致絕趙衰之讓心馳紫

路登文石而莫由日送白雲拜承明而未日

藝文類聚四十七  
御覽二百四十三

除詹事謝宮啟

庇身修德，濫迹端形。陳蘿故葛，攀附不涯。解角蛻鱗，超踰非次。方辭聖會，覬收渥澤。

數文類聚  
四十九

謝宮爲製讓詹事表啟

如攀珠樹，徒仰照匣之輝。若踐玉田，不知照塵之價。芙蓉之水，亟奉北園，迷迭之文，屬陪南館。久降噓枯之旨，許賜凌雲之筆。清夜謳斯，謂言善戲。黃金然諾，竝遂殊寵。年齊柏寢，豈報恩榮。紙整蘭臺，未書慷慨。

藝文類聚  
四十九

除尚書令謝臺啟

竊呂岱之冢司，今日端揆，須同臺袞。無人則闕，臣之朽薄，安可叨責。謹當奏承夜月，冀奉三思之旨。聲寄浮雲，方祈九天之路。

除尚書令斷表後啟

司會治本，家宰朝端。搢紳所屬，儀刑攸在。皇代呂來，無人則闕。陛下

下將備厥職、用穆臣僚、不容始自庸菲。古謹物議、當今藩翰至戚、不無其才、廊廟重臣、亦有其器。伏願檢俞往之則、闡平章之道、臣

公心布款、有理存焉。

藝文類聚四十一  
初學記十一

上毛錫啟

臣聞聖王受命、昌代紹興、日月精明之狀、煙雲爛漫之采、神鼎出  
于汾陰、寶玉閑于張掖、靈山奧澤、卉木呈祉、靜海澄波、麟介禔福、  
靡不顯符、瑞昌固鴻基、肇徵祥昌光永世者也。影合四靈、光分五  
色、懷星拖月、負宇銜圖。  
藝文類聚十九

陶貞白先生集序

昔劉向通古今之學、馬融見天下之書、京房察風雨之占、裴楷曉  
陰陽之術、子政傷于簡易、季長傲于驕侈、君明遂不旋踵、公矩雖  
免極誅、鮮有盡美之迹。罕聞克終之譽、若夫德行博敏、孔室四科、  
經術深長、鄭門六蓺、丹陽陶先生備斯矣、至如紫臺青篋、綠帙丹

經玉版祕文，瑤墳怪牒，靡不貫彼精微，殫其旨趣。蓋非常之絕伎，命世之異人焉。文集缺亡，未有編錄。門人補輯，若逢遼東之本，好事妍搜，如誦河西之籙。奉敷校之鉛墨，緘呂緹細藏。彼鴻都副在廷閣。裁文類聚  
五十五

入攝山棲霞寺詩序

壬寅年十月十八日入攝山棲霞寺，登岸極峭，頗暢懷抱。至德元年癸卯十月二十六日，又再遊此寺。布法師施菩薩戒。甲辰年十一月二十五日，奉送金像還山，限呂時務，不得恣情淹畱。乙巳年十一月十六日，更獲拜禮，仍停中山宿，永夜留連，接神悚聽，但交臂不停，薪指俄謝。率製此篇，以記歲月，俾後來賞者知余山志。廣引明集

遊攝山棲霞寺詩序

禎明元年太歲丁未四月十九日癸亥入攝山，展慧布法師，憶謝

靈運集還故山入石壁中尋靈隆道人有詩一首十一韻今此拙作仍學康樂之體

廣弘明集三十上

自敘

歷升清顯、備位朝列、不邀世利、不涉權幸、嘗撫躬仰天太息曰、莊  
青翟位至丞相、無迹可紀。趙元叔爲上計吏、光乎列傳。官陳已來、  
未嘗逢迎一物、干預一事、悠悠風塵、流俗之士、頗致怨憎、榮枯寵  
辱、不召介意。太建之世、權移羣小、詔嫉作威、屢被摧黜、柰何命也。  
後主昔在東朝、畱意文藻、夙荷昭晉、恩紀契闊。嗣位之日、時寄謬  
隆、儀形天府、釐正庶績、八法八典、無所不統。昔晉武帝策苟公曾  
曰：周之冢宰、今之尚書令也。況復才未半古、尸素若茲。晉太尉陸  
玩云：呂我爲三公、知天下無人矣。軒冕儻來之一物、豈是預要乎。  
弱歲歸心釋教、年二十餘入鍾山就靈曜寺、則法師受菩薩戒、暮  
闌官陳與攝山布上人遊款、深悟苦空、更復練戒、運善于心、行慈

于物頗知自歛而不能蔬菲尙染塵勞日此負愧平生耳

陳書江總傳總  
其略云云

嘗自敘其略云云  
時人謂之實錄

賜進士出身二品銜廣東等處提刑按察使司按察使兼督驛傳事務黃龍王毓藻校刊

全隋文卷十一終

全隋文卷十一

烏程嚴可均校輯

江總

莊周畫頌

玉潔蒙縣蘭薰漆園丹青可久雅道斯存夢中化蝶水外翔鯤出俗靈府師心妙門垂竿自若重聘忘言悠哉天地共是籠樊藝文類聚

三十六十

香贊

海岸相傳香流大千不吹自轉將銷更燃繁空雜霧散迴飛煙還符戒品熏修福田

花贊

池中寶花葉覆金沙逆風氣亂映水光斜散由天女賣乃王家若生心樹願結因牙

全隋文卷十一

燈贊

寶燈夜開影徧花臺烟抽細燄燭落輕灰珠慙色竝月恥光來一  
明暗室若遺塵埃

幡贊

金幡化成搖蕩相明留無定影散乃俱輕光分紺殿采布香城恆  
知自轉福與之生藝文類聚  
七十六

芳林園天淵池銘

歲次執徐月維大呂爰命梓匠廣修畚鍤標置舊趾開浚昔基東  
西彌望雲霧之所澄蕪南北紓繁虹霓之所引曜曉川漾璧似日  
御之在河宿夜浪浮金疑月輪之馳水府前瞰萬雉列榭參差卻  
拒三襲危巒聳峯瓊島異禽自學歌舞神木靈卉不知搖落但叔  
皮覽海序螭蛟之泛濫吉甫臨舟美檉松之蓊茂尙復著在吟詠  
緘彼緹緝況我君門盛事未紀謬頒待詔謹製銘云

石溝溜密蘭漪潮平九華間道百丈層疊液搖殿色殿寫波明文

九  
頌

永陽王齋後山亭銘

叢臺迭日、淄館連雲、錦牕列績、纏地成文。吾王卓爾逸趣、不羣梅  
梁、葱閣桂棟、蘭粉竹深、蓋雨石暗、迎隙激流、疑疏構峰似削、苔滑  
危磴、藤攀聳萼、樹影搖窗、池光動幕、月澄遙徹、風清近壑、雪岸難  
消、花園易落、高桐百尺、垂楊五株、開榮九畹、結秀三珠、山條紫的、  
水葉紅鬚、抽芳繞畱、接翠分衛、亭譙旅鶴、浦噪驚鳬、前列牧馬、後  
招郇伯、諷誦楚詩、精微沛易、叢桂留賞、散金匪惜、不羨睢陽還嵩、  
碣石馳聲、終古服義、無斁獻文頌

六十四

玄圃石室銘

巒嚴石榆、僊宇石牆、地云正域、道示修羊、紫烟碧露、絳雪玄霜、廣  
成不踐、王烈未弘、移華甲觀、徙構震方、遠跨飛梁、俛臨倒景、瓊蕊

全蜀文卷十一

二十一

珠樹金階玉井，映日分暉。搖風共影，岫濃翠合。林虛桂靜，朔去偷桃。董來貨杏，擔非刻削。戶恣登臨，迎春花近，避暑涼深。秋雲卷閣，冬霰停陰。桐棲鳳采，竹化龍吟。輕飛亂色，激潤成音。天縱儲睿，生知作兩弦。誦餘隙，仁智爲賞。河曲停遊，洛濱息往。祥梨吐秀，瑞燕流響。一物或鑄，萬國斯仰。藝文類聚

六十五

方鏡銘

并序

此鏡曰照著衣。鏡背圖刻八卦二十八宿。仁壽殿前無呂加斯形麗也。

玄枵命攻仲呂呈祥。金鑄石漢，銅鑄丹陽。價珍負局，影麗高堂。圓星擬蓋，寫卦隨方。明齊水止，照與天長。增輝兔苑，永侍龍光。藝文類聚

懷安寺刹下銘

四聰睿后，萬行了因。迎先玉鏡，道茂金輪。爰構靈刹，地迹重闢。迎

十七

風雲表、承露天淮、飛甍嶺、累棟嶠、護持七眾、警衛百神、籌銷  
草木、劫盡沙塵、支提永固、福樂恆新、變易東海、長久北辰。

鑄銘

鳴氏之匠、狃陽之銅、圓鑄錦鏽、刻獸鏤蟲、聲飛雪裏、韻切脣中、遙  
符玉律、遠雜金鳳、朝驚鷺嶺、夜動龍宮、冀憑慧業、冥感神功、百非  
沈蕩、萬善招通、長如五淨、永證三空。

又鐘銘

篆閒鎔刻、樂上雕鑄、聲齊法鼓、響逸鳴樵、舟移巨壑、火壞初禪、

優填像銘

如花譬象、若火疑龍、毫光此遇、法相今逢、眸雲齒雪、月貌金容、大

仙下降、避席爲恭、藝文類聚十七

梁故度支尚書陸君誄

君諱襄、字師卿、吳人也。祖惠徹、宋車騎府法曹行參軍。父閑、揚州

別駕齊永元紹麻蕭遜光謀反伏誅閑呂州職見害子絳其日并  
命忠孝之道萃此一門襄時年十四號毀殆滅布衣蔬食終于身  
世起家著作佐郎出爲永寧縣令累遷臨川王廬陵王法曹外兵  
記室入爲太子洗馬掌管記中書舍人管記如故爲丹陽尹丞俄  
遷太子庶子掌管記揚州治中太子家令領國子博士管記如故  
丁母顧夫人憂廬乎墓所服闋又從家令轉中庶子並掌管記遷  
中散大夫金華宮家令出爲鄱陽內史除尚書吏部郎祕書監領  
揚州大中正度支尚書太清二年三月京師傾覆君竄迹還鄉吳  
民陸黯起義民攻郡擾攘之際憂憤而終春秋七十有二余避世  
河濱暫之吳國百舍不容千里無饋陸公國士之眷惠好之深朝  
同併瓶夕共瓢飲契闊晤言流連晦朔日月逝矣懷古何忘臨哀  
能誄久願搖筆時事屯邅不遑削藁梁季適越未戢干戈陳世入  
仕累牽物役杼軸于懷四十餘載隋開皇九年于長安致仕縣車

已泊就木幾何但東海成田南冠永繁題山更促空想吹笛之哀  
馬角徒生絕望通波之水嗚呼哀哉攬涕操觚乃爲詠曰

嫗苗碩茂完裔繁昌賓門穆穆筮仕辟鎬食采命氏遐哉陸鄉四  
昇臺省八辟賢良分柯振葉令聞令望玄蕤朱輝翠弁金鎰流聲  
世祀列讚祠堂別駕貞烈志存名教捐生徇主知死不撓暉映泉  
壤痛此忠孝於樂夫子積德累仁蹈光戢耀隱璞含真居哀能痛  
至情通神淚枯壠樹哀感馴禽永勸家禡長號不辰玄黃絕睇蔬  
布終身心符屈婢室等原貧分甘共感內族外姻求之今古斯爲  
異人月下奏章螢前讀史給紙蘭臺觀書洛市強學待問潤身爲  
己結髮濯纓登朝入仕昂昂逸驥逐日千里宛宛離陵江迅起  
枳棘棲鳳化行乳雉平臺累陟石扇釐履跼伏不競芬絲自理倚  
席無譏師訓肖子驥足時務俊民斯俟秋實選能春華備美思媚  
儲后遊息承華書記策擢爵命增加彈碁擊筑沈李浮瓜追隨飛

蓋侍從鳴笳、二儀迴幹、四氣淹賒、離景遞沈、前星奄滅、撫已惟舊、懷恩守節、昔荷故臣、攀號聲折、登高能賦、大夫就列、金華式肇、更奉清切、脩竹貞松、含霜抱雪、下車軒日、求瘼康時、良辰坐嘯、朗夜臥治、懸魚化靜、佩犧去思、廣弘條敎、精察毫釐、典選搜揚、操刀密勿、不紊朱紫、傍無請謁、祕署學林、得人超忽、延閣紺素、校文遺闕、上妙鉛槧、譽成碁月、雁行攸序、龍作簡木、讓珠不拜、賜劖恩來、帝曰：「爾往、爾行、兼該金城、失險玉努、流災年臻、几杖病息、草萊世故、天祐臣悲、主辱露盡、朝陽風驚、夜燭黃鵠、超遙白駒、何促事迫、歸魂依然、欣足悠悠、世路辛苦、艱虞尋戈、滿道暴骨、交衢家無半菽、地絕飛芻、念君桑梓零落、凋枯傷君井邑、子整崎嶇、喪亂絕上、葵藿荒蕪、淒涼故友、擗襟遺孤、臨穴外野、撫櫟窮途、嗚呼哀哉、爲善豈懼修名難假、德履中和、道周文雅、不朽之迹、非謂泉下、亹亹清名、泠泠獨竊、嗚呼哀哉。」

文苑英華八百四十二又  
略說載文類卷四十八

陳宣帝哀策文

望蜃絳而攀標。拜龍輶而慟絕。變五統而淒涼。迴三辰而慘切。感  
川岳而地維傾。號穹蒼而天柱折。千秋茂德。萬世鴻名。爰詔掌禮。  
式序英聲。其辭曰。

鳩水樞宿。姚墟大虹。謳歌承歷。揖讓受終。重規帝緒。踵武王風。名  
山紀述。清廟傳功。我后丕承。思弘祖業。莅政恭己。臨朝凝默。爛爛  
九功。歲蕤七德。憲章昭著。威靈允塞。爰茲發迹。天步艱難。連華膝  
衛。比譽應韓。羽儀成右。軒冕朝端。祈膺當塗。繇顯大權。延喜授玉  
告。善飛旌。神器有奉。性道無名。詩頌唐年。樂舞姬日。仁聲汪濊。武  
義洋洋。理訟總街。凝情衢室。巡望如禮。幽祇咸秩。疆垂叛按。闢微  
虔剏。治兵丹浦。犧醴青丘。屠鈞且抜。管庫方搜。如龍駕鼓。獻雉焚  
裘。天必呈祥。地靈愛寶。神禽奇獸。嘉穀靈草。屈軼抽階。飛黃伏阜。  
綺雲舒慶。珠星照老。廣敷丘素。弘啟膠庠。書林吐馥。文圃含鏘。南

洽侯微北暘遐荒。殷羅自解周圃無傷。金英掩色玉牀弗豫。天驅  
摧鎮王良失御。鑄闕奚益綴衣何處。漫漫幽夜冥冥上仙長違拜  
日天意祈年。靈神卜兆晏駕迴天。銅驛感泣銀海埋田。出德陽之  
廣殿動繁笳之哀。嚬渡洛水之浮橋。望偃師之近縣背紫陌而未  
遠隱黃山而不見。鐸啟挽而依依馬嘶風而戀戀平原欲晦落照  
將垂鳳蓋飄而水暗鶯跕聳而山危曳螭旗之舒卷閉翠野之參  
差烏哀哀而驚曙松瑟瑟而吟枝異故鄉之絲竹非舊宅之墳篋  
埽秋葉而無盡薦春櫻而願知北邙已識西陵何有。遺宿蒼梧便  
乖仁壽聲合韶濩道宣戶牖共瀛海而恆流竝嵩華而莫朽載文  
類聚

四十

廣州刺史歐陽頫墓誌

天嘉四年

公家習尚書少府孺高于漢冊世居渤海太守文重乎晉原中原  
喪亂避地南徙公孝敬純深友悌敦睦家積遺財並讓諸季兼賙

同壤公含章內映，遠識沈通。室嘗欲謹言，行資貞幹。事廉隅，梁室不造。凶端懲陵，公被銳執劖。有志匡復，梁孝元帝授散騎常侍，東衡州刺史。始興縣侯，而大戎弑逆。宗社播遷，陳纂揖讓。攸歸高祖，恩加推舊。授使持節都督南衡二十二州諸軍事廣州刺史。進爲開府儀同三司山陽郡公。進號征南將軍加鼓吹一部巫山遠曲喧騎吹于日南芳樹清音肅軍容于海嶺。追贈車騎將軍司空公。涉獵六經，優游百氏。寬徭省賦，化百越之歸心。撫寒投醪，感三軍之死力。在室如賓，蓋慚屋漏。不貪爲寶，每要人知。殺青無兼兩之疑，薏苡豈懷珠之諒。如羊如粟，不改夷齊之心。遺慶遺風，方畱豹產之德。

載文苑  
卷五十一

故侍中沈欽墓誌

太建元年

早結南陽之親，致興沛市之役。四挺多難，三江屢梗。君敦洽化，日勵澆風。庶濂清流，日薄衢俗。早遘紫雲，萍濡碧海。奮里闈之龍躍，

車馬之貴，啞質氏之青山，恥郭家之金穴。

載文類聚四十八

特進光祿大夫徐陵墓誌銘

至德元年

耕耘書圃，弋獵文場。藻思綺合，尺牘繡揚。辭奔太史，筆利干將。心  
緘武庫，口定雌黃。奉使巡察，絕域遐深。市朝遷賈，陵谷相侵。形寄  
玉牘，多宣攀附。高排閭闈，鬱轉雲路。年踰致仕，齒及懸車。夜漏方  
盡，馳光復斜。平原出宿，庠序爲家。憊愁宿霧，松悲閒鳥。地迥雲低，  
山重樹小。九原孤月，三泉送旅。疇曩行役，共上河梁。余因病免，君  
事遠將。痛心期之徂謝，憫時代之銷亡。冀鑄石于玄冢，畱清風于  
故鄉。

載文類聚四十七

司農陳暄墓誌銘

其文厭敝，其筆縱橫。背碑卽諷，據馬俄成。詐諾見賞，調笑忘情。兩  
宮寵宦，四主恩榮。舊事依息，一朝追送。疇昔命鶻，文可吟誨。今日  
醉酒長悲，且慟。

載文類聚四十九

侍中中領軍魯廣達墓銘

開皇十九年

父流淮海、險失金湯。時屯運、代革天亡。爪牙背義、介胄無良。獨

標忠勇、率禦有方。誠貫皎日、氣蒸嚴霜。

懷恩感報、撫事何忘。

陳書  
魯廣

達

皇太子太學講碑

我大陳之御天下也。若水湧其長瀾、瑞星踵其水厤。重華誕宥興于大庭之野、敬仲繼業盛矣。鳴鳳之占、兼呂鴻才。海富逸思泉湧、含毫落紙、動八闋之歌謠。隻句片言、諧五聲之節奏。雲飛風起、追壓漢帝之辭、高觀華池。遠跨魏皇之什、爰復建藏書之冊。開獻書之路、帷帳叢殘冢、壁遺逸紫臺。祕典綠帙、映奇文。羽陵蠹迹、嵩山落簡。外史所掌、廣內所司。靡不飾以鉛槧、彌以綿素。此文教之脩也。

藝文類聚五十五  
初學記二十一

吳興郡贊陵王德政碑

卓爾吾王、天人可擬。早成夙智、謙懷虛己。偃息流略、翱翔文史。三  
雍雅對、九師名理。好古如斯、學兼之矣。睢陽肇構、碣石初開。賜田  
待士、賜道求林。前符彭圃、述職琅臺。去謠昭鼓、畱歌暮來。藝文類  
卷五十一

明慶寺尙禪師碑

百世之上、百世之下。含章隱璞、明真照假。空行已無、希音和寡。不  
有哲德、誰其繼者。朗月靈懸、高風獨寫。藝文類聚

建初寺瓊法師碑

夫智慧精進、皆曰第一。妙德潛名、竝稱不二。若乃幹五欲之泥解、  
六情之網、繫寶車之迹、面香城之路。荷持像法、汲引人倫。惟此法  
師、心力儻矣。東山北山之部、貫花散花之句。竝編柳成條、題蒲就  
業、學非全朔、無待冬晝。師夢升儒、自知秋駕。銘曰：

肩脣入世、茫茫大千。欲流心火、意樹身田。老鷺靈籥、孔惜逝川。三

空莫辨、一諦何誣。佛日初照，慈雲不偏。秋露寂滅，莫駁。悠然，斯文類聲

七十

攝山棲霞寺碑

蓋聞天有神宮地云靈府，梁欽博記始敍四衛之塔，金剛著經，因知于步之寺，至如峰形甌累，岫勢堂密，亦烏足言哉。南徐州琅邪郡江乘縣界有攝山者，其狀佔穢，亦名穢山。尹先生記曰：山多草藥，可召攝養，故召攝爲名焉。南瞻舊落，願梯鎮成之場。北望荒林，扈謙卜筮之宅。此山西南隅，有外道館地，俄而疫竈磨滅，三清遺法，未明五怖之災，萬善閑宗，遂變四禪之境。僧行見齊居士平原明僧紹空解淵深，至理高妙，遺榮軒冕，遁迹巖穴。宋泰始中，嘗遊此山，仍有終焉之志。村民野老，競來諉曰：山多狼虎毒蛇，所苦久絕，行踐僧紹曰：毒中之毒，無過三毒，忠信可蹈水火，猛獸亦何能爲。乃刊木駕峰，雜草開徑，披拂蓁梗，結構茅茨，廿許年不事人世，渡

河息暴擾僞無立皆曰誠至所感有法度禪師家本黃龍來遊白  
社梵行殫苦法性純備與僧紹冥契甚善嘗于山舍講無量壽經  
中夜忽見金光照室光中如有臺館形像豈知一念之間人王照  
其香蓋八未曾有淵石朗其夜室居士遂捨本宅欲成此寺朗齊  
永明七年正月三日度上人之所構也山清率易野製疏朴崖擔  
峻絕澗戶幽深卉木滋榮四時助其雕綺煙霞舒卷五色成其藻  
綺居士嘗夢此巖有如來光彩又因閒居依稀目見昔寶海梵志  
睡覩花臺智猛比丘行逢影窟故知神應非遠靈相斯在居士有  
懷創造俄而物故其第二子仲璋爲臨沂令克荷先業莊嚴龕像  
首于西峯石壁與度禪師鐫詔無量壽佛坐身三丈一尺五寸通  
座四丈并二菩薩倚高三丈三寸若乃圓寫瓊奇刻削宏壯蓮花  
瑩目后境沈暉藕絲縈髮雲崖失彩項日流影東方韌其大明而  
月馳光西照匿其威光大同一年龕頂放光光色身相光若炎山

林閒樹下、施如火燄。禪師自識終顯、欣盼瑞應。自建武四年于此  
寺順寂、豈非六和精進、十念允諾。向沐靈池、方登金地者也。齊文  
惠太子豫章文獻王竟陵文宣始安王等慧心開發、信力明悟。各  
捨泉貝、共成福業。宋太宰江夏王霍姬蕃閨內德齊、雍州刺史田  
奐方牧貴臣、深曉正見、妙識來果。竝于此巖阿廣收財施、琢磨巨  
石、影擬法身。梁太尉臨川靖慧王道契真如、心弘檀密。見此山製  
置疏闢、功用稀少。已天監十年八月、爰撤帑藏、復加鑿飾。續已丹  
青鏤之銑塗、五分照發。千輪啟煥、排天堂廡。玉露分色、接岫軒墀。  
翠微抽影、八定之侶。步纖草而揚梵、三慧之僧。挹飛泉而動色、喜  
園凝靜、豈傲吏之凡遊。深谷虛玄、非愚公之俗路。是㠭王公摺紳  
之輩、卽吏胥史之屬。步林壑、陟皋壤、升精舍、拜道場。無不洗滌無  
明、灌濡暮暗、非直心之砥路、孰能如斯者乎。慧振法師志業該練、  
心力精確。度上人將就遷神、深相付囑。法師聿修厥緝、勸助眾功。

基業田園多所創置先有名德僧朗法師者去鄉遼水問道京華  
清規挺出碩學精詣早成波若之性夙植尸羅之本關方等之指  
歸弘中道之宗致北山之北南山之南不遊皇都將涉三紀梁武  
皇帝能行四等善悟三空已法師累降徵書確乎不拔天監十一年  
帝乃遣中寺釋僧懷靈根寺釋慧令等十僧詣山諮詢受三論大  
義賈誼曰學聖道如日之明孫卿云登高山知天之峻今之探墜  
其此之謂南蘭陵蕭頤幽棲抗志獨法絕羣遁世茲山多歷年所  
臨終遺言葬法師墓側還符田豫託西門之家更似梁鴻偶要離  
之座又案神錄云楚靳神在今臨沂縣齊永明初神詣法度道人  
受戒自通曰靳尙卽楚大夫之靈也大同元年二月五日神又見  
形著菩薩巾披袈裟閑雅甚都來入禪堂請寺眾說法崑嶺之中  
百神所在首陽之路八駟竝未有修淨戒之品詣得道之僧整  
忍辱之衣入安禪之室是知名山大澤靈異憑依者矣慧布法師

幼落煩惱、早出塵勞。律儀明白、貞節峻遠。貫綜三乘、不自媒衒。楷模七眾、無所詆訶。屢日靜憩、鍾嚴余便。觀止滄仁、飲德十有餘年。頃于攝早、受持殊戒。佩服之敬、雖敢怠于斯須。汲引之勞、且易伸于報效。夫言意難盡、鉛槧易凋。固比河山、莫如金石。凡諸徵應、許預隨喜。竝勒干碑左、乃爲頌曰：

漫漫心火、冥冥世流。論生若寄、喻死如休。三明未了、十智難周。晝經寢愛、豈離瘡痏。敬仰鷄足、恭聞鶯頭。斯風可羨、其路何由。我開梵宇、面塗臨丘。我圖靈迹、果植因修。兼金畫繪、泐石彫鏤。連雲出沒、泄雨沈浮。經行松磴、禪坐蕙樓。澗風長瀉、崖澗懸抽。花臺似雪、夏室疑秋。名僧宴息、勝侶薰修。三乘謂筏、六度爲舟。金幢合蓋、寶駕驅輶。地祇來格、天眾逍遙。五時無爽、七處相侔。辭題翠琰、字勒銀鈎。賢乎樂餌、過客宜酬。

大莊嚴寺碑

蓋聞僧伽水濱、波斯創呂禪地、醍醐山頂、舍那肇其梵域、此乃往劫之勝因、上方之妙範、于是俯察地勢、懸之呂水、仰惟皇極、揆之呂日、百堵咸作、千坊洞啟、前望則紅塵四合、見三市之盈虛、後睇則紫閣九重、連雙闕之聳峭、加呂園習歡喜、水成功德、池溢甘露、不因玉掌、樹搖音樂、無待金奏、薰鑄夜熒、遙來海岸之香、法鼓晨謹、非動泗濱之石、擢莖金表、跨八萬之俱成界道、銀纏面四衢而拓製、廁璧綴珠、凌丹霞而結宇、雕光鏤采、望紫極而開軒、俯看驚電、影徹琉璃之道、遙施宛虹、光徧水精之城、層楹刻桷、風伯走而未升、靈輦飛薨、雨師攀而不逮、銘曰：

灼爍金莖、崔嵬銀表、翔鶴羽翥、威鳳靈嬌、木密聯綿、香泥繚繞、日圓檣外、荷披棟杪、翠落陰虬、珠填陽島、高僧累萃、碩學茲多、弘宣方等、博綜圓陀、皆傷寸晷、竝悟尺波、式旌鏤碣、無待雕戈、標年刹土、比數洹河、載文頌器。

羣臣請贖武帝懺文捨身

某位某甲稽首和南十方二世一切諸佛十方三世一切尊法十  
方三世一切賢聖見前大德僧皇帝某菩薩睿哲聰明廣淵齊聖  
心若虛空照窮般若發弘大誓荷負眾生神道會昌膺茲景業百  
王既季運屬艱難五獄維塵六軍日動劬勞在念有切皇心既而  
深悟苦空極言無我寶臺華柱本非實錄賊城樓櫓苦具茲多遂  
坐道場靜居禪室堅固善本具足檀那石壁山河珍車寶馬頭目  
髓腦妻子國城鑾輅龍章翠帳玉几福德所感威惠所及莫不肅  
然大捨供養三尊便欲拂衣崆峒高步六合到林閒而宴坐與釋  
眾而同遊紫微虛宮黃屋曠位上靈聳動厚土正惶弟子等身纏  
愛惑業構煩惱天生烝民樹召司牧憊憊黔首非后罔戴豈容尊  
居萬乘而伸獨往之情應在帝王而爲布衣之事且蠻夷猾夏寇  
賊姦宄燃人警職日照甘泉之火四郊多壘未肆樓船之威若使

全隋文卷十一

十一

七聖遠迷。窅然汾水之上。八駿沃若。方在瑤池之濱。則天下何依。  
羣臣莫奉。宗社廟堂。有廢葬則弟子不勝狼狽之切。謹捨如干錢。  
如十物。仰觀三寶大眾奉願皇帝及諸王所捨。悉還本位。伏願十  
方三寶見前大德僧。已慈悲力用無礙心。坐道放光。顯揚宣說。歡  
喜和合。超然降許。當使皇帝望雲望日之姿。與南山等固。乃神乃  
聖之德。與北極同尊。中宮后妃之星。金楨玉幹之威。窮積善之慶。  
盡萬歲之權。玉鑾迴鑑。金門洞啟。百辟翹首。搢紳並列。願塵勞與  
雲沴俱銷。億兆與天地同春。懼慊丹愚。敢已死請。弟子某和南弘

明集二  
十八下

賜進士出身二品銜廣東等處提刑按察使司按察使兼管驛傳事務黃岡王毓藻校刊

全隋文卷十一終

全隋文卷十一

十二